

պատրաստեցին հայ ժողովուրդի համար, կոտորելով նրանց եւ աւաղուտ անսպասուները քշելով:

Այս եւ նման մտքեր է յարուցում եւ պաշտպանում Մարքիւլարտ շատ անգամներ, երբ առիթ է լինում նրա հետ նաեւ մասնաւոր խօսակցութիւնների միջոցով շօշափել իրեն եւ մեզ յուզող ցաւոտ խնդիրներ: Եւ նա ոչ միայն սղէմ է, այլ եւ կ'ուզէր, որ իր այս մտքերը մամուլի միջոցով հայ հասարակութեան ծանօթ դառնան:

Դժուար է սակայն դիտել տալ Մարքիւլարտին — եւ դա արել եմ առիթ եղած ժամանակ — որ նա իր՝ հայ ժողովուրդի ճակատագրի մասին անուցած զաղափարներով եւ խոհերով, ինչպէս նաեւ Տաճկաստանի ու թրքութեան վերաբերմամբ ունեցած քաղաքական հեռանկարներով՝ զգալիօրէն վիպական աշխարհն է թեւակախում: Նա իր ցանկութիւնները եւ փափաքները մէկ եւ միւս տեսակէտից խտացնելով ու նրանց արդարութեանը եւ ճշմարտութեան խորը համոզուած՝ իրականութիւն կամ կարելիութիւն է սեպում եւ ըստ այնմ գծում որդեգրելիք քաղաքականութիւնը:

Նա մոռանում է, որ այսօրուան եւ 1919-20-ի քաղաքական պայմանները բոլորովին տարբեր են եւ հայութեան ուժերը շատ են տասանորդուած, կարենալ իրազործելու համար արդարութեան եւ ճշմարտութեան համապատասխանող իր իրաւունքը: Նա մոռանում է, որ այսօր աւելի քան երբեք արդարանում է — թո՛ղ լինի նա դաժան եւ դաժանօրէն ասուած — Բիսմարկի այն խօսքը թէ՛ ամէն իրաւունքից առաջ է դնում յոյժը: Իսկ այդ ոյժն է, որ պակասում է հայ ժողովուրդին՝ իրականացնելու համար արդարութիւնից բխող իր գէթ նուազագոյն իրաւունքը, ո՛ւր մ'նաց՝ առաւելագոյնը:

Մարքիւլարտ — նրա հետ միասին եւ շա՛տ շատերը մեզնում — մոռանում է, որ այսօր հայութիւնը օղակուած է եւ կծկուած, լքուած բոլորից եւ ամէնքից, տմարդօրէն դաւաճանուած նաեւ այն բոլոր «դաշնակիցներից», որոնց ձեռքով նա 1919-ին արդարադատութիւնը յաղթանակել կարճում էր: Իսկ այդ «դաշնակից»ների վերջին շարքերի մէջ է նրա զբոսը եւ նաեւ — Ռուսաստանը:

Մարքիւլարտ — այդ լաւատես, միամիտ դիտնականը եւ առանձնասենեակի մարդը — պարզապէս ըմբռնել է կարող, թէ ինչպէս է Ռուսաստանը — թէկուզ կարմիր քղամիտ հագած — բարեկամութեան ձեռք է մեկնել թիւրքիային: Չէ՞ որ նա այդպիսով ուժեղացնում է վերջինիս եւ դիւրացնում նրա վաղուան ծաւալումը դէպի Կովկաս եւ Թուրքիստան, փորելով սեփական իշխանութեան եւ գոյութեան հիմքերը: Ուղղակի անկարելի բան է թուում այս ամէնը Մարքիւլարտի մտածողութեան համար:

Եւ սակայն դա ոչ միայն կարելի բան է, այլ եւ իրողութիւն է՝ տարիներից ի վեր: Աւելին դեռ: Ոչ միայն Ռուսիան, այլ եւ — երէկ կամ այսօր — նոյն թիւրքիան սիրաշահելու համար նրա հանդէպ հիմնովին փոխել են իրենց քաղաքականութիւնը նաեւ միւս մեծ պետութիւնները — Ֆրանսան, Անգլիան, եւ այլն: Դարաւոր ոսոխները՝ Անգլիա եւ Ռուսիա՝ ամէն բան տալ պատրաստ են Տաճկաստանին, իրենց հետ ունենալու համար նրան:

Այս՝ եւ սրա նման շատ իրողութիւններն են — որչափ եւ դառն մեզ համար — որ մոռացութեան տալ է կարող հայ ազգային քաղաքականութիւնը: Այս ամէնը չպիտի մոռանայ Մարքիւլարտ, որ հնարաւոր է համարում թրքութիւնը Կրասնօեարսկ տեղափոխել... ունենրի ձեռքով, այն էլ՝ հայ ազգի սիրուն աչքերի համար:

Այդպէս դատողը ի՞նչպէս հաւատայ — նա չի էլ ուզում հաւատալ — որ անգամ Նախիջբեւանը Հայաստանից խլուած է, որ Մասիսն այսօր տաճկական է, որ տաճիկ սահմանապահ զօրքերը էջմիածնից ընդամէնը 12-13 քիլօմետր հեռու են կանգնած եւ պատեհ առթիւ հրամանի են սպասում:

«Հապա էջմիածնի ձեռագիրները»:
Հապա երեքհազարամեայ հայ ժողովուրդը:

Երբ այսպիսի հարց է դրուած հայ ազգային քաղաքականութեան առաջ, երբ շատ որոշ են նրա սեփական ուժերը, նա կարո՞ղ է, իրաւունք ունի՞ անտես անելու դաժան իրականութիւնը, որ միակ էլակէտն է ամէն մի քաղաքականութեան առհասարակ:

(Վերջ)